

զնաց դարձեալ բազմութեամբ ուխտաւորաց և միաբանական դասուք, ուր ժողովեալ էին գործակալք դրանն . խաղաղութեամբ և ուրախութեամբ կատարեաց զհանդէս Լուսաւորութեան, ըստ վաղեմի սովորութեան Հայոց, մխիթարելով զժողովուրդն : Եղիտացիք, այսինքն Գալթիք, որք ոչ կամեցան ընդ Հայոց տօնել զՋատիկն, գաղտագողի 'ի գննին կային աստ և անդ 'ի պատուհանս և յայլ տեղիս ընդ միաբանս Յունաց՝ տեսանել թէ յո՞ր եզերին ելք իրացն . այլ մեծ արար Տէր զողորմութիւնն եւ մխիթարեաց զծառայս իւր :

Նոյնպէս և 'ի դիշերին յայնմիկ փառաւորապէս կատարեցին զտօն հրաշափառ Յարութեանն Քրիստոսի թափօրիւ, և դարձան ուրախութեամբ 'ի տեղիս իւրեանց : Չեզեւ ինչ վէճ և կամ խռովութիւն յաւուրսս յայտօսիկ 'ի մէջ երկուց աղքաց, և ոստիկանն դրան գրով դատաւորին դարձաւ 'ի կոստանդինուպօլիս :

Զպատմութիւն Մազապատիկի, զոր աւանդեցաք 'ի կարգի գործոյս, առեալ եմք 'ի ձեռագիր դրուածոց, ուչ եղեալ նաեւ 'ի դատաստանական գիրս, և 'ի յիշատակարանէ ձեռագիր Յայսմաւուրի, զոր գրեալ է նա ինքն Հաննա վարդապետ ահանատես ամենայն հանգամանօք : Սակայն երեւի անհամաձայնութիւն բանից յերկուց կողմանց . զի յիշատակարանն աւանդէ, թէ Գրիգոր Պատրիարք առաջի եղ Յունաց զպայմանն առանձին տօնելոյ ըզՊասեքն, իսկ 'ի բանս նամակի Պատրիարքին Յունաց այնպէս երեւի, որպէս թէ ինքն ստիպեալ իցէ զՅովհաննէս Պատրիարք Բիւզանդիոյ, առնել այնպէս . եւ նորա չիցէ յանձն առեալ 'ի սկզբան, և յետոյ զիջեալ 'ի կամս նորա, ուստի ծագի տարաձայնութիւն բանից . իսկ մեք սակս չ'չփոթելոյ զինդիրն, ամիտօրս պահեցաք զբանս երկուց կողմանց : Սակայն եւ այս բնական է, զի իւրաքանչիւր ոք՝ զիւրն կամի հաստատել : Այլ զինդիրն վաղեմի կարելի է այսպէս լուծանել . թերեւս յայնժամ Յովհաննէս Պատրիարք Բիւզանդիոյ, լուեկայն աղք արարեալ իցէ յերուսաղէմ՝ զմիտս Պատրիարքին Յունաց . և 'ի լինել բանից 'ի մէջ Գրիգորի և Փոխանորդի նոցին, առաջարկեալ է նա այնպէս . եւ նորա ընկալեալ զայն իբրեւ